

Questi Badoeri hozi se reduseno.

Sier Giacomo Badoer, qu. sier Sebastian el cavalier,

Sier Zuan Badoer dotor et cavalier, qu. sier Renier,

Sier Alvixe Badoer l'avogador de Comun, qu. sier Rigo,

Sier Bernardin Badoer, qu. sier Marin,

Sier Alvise Badoer, qu. sier Jacomo,

Sier Zuan Francesco Badoer, qu. sier Ruberto,

Sier Nicolò Badoer, qu. sier Orso,

Sier Piero Badoer, qu. sier Albertin dotor,

Sier Zuan Andrea Badoer, qu. sier Hironimo,

Sier Giacomo Badoer, qu. sier Hironimo,

Sier Andrea Badoer, qu. sier Zuane,

Sier Daniel Badoer, qu. sier Bernardin,

Sier Giacomo Badoer, qu. sier Francesco,

Sier Hironimo Badoer, qu. sier Zuane, di Arbe,

Sier Polo Badoer, qu. sier Rigo,

Sier Filippo Badoer, qu. sier Alexandro, qu. sier Gabriel,

Sier Hironimo Badoer, qu. sier Anzolo, vene di poi,

190* non Sier Zuan Batista Badoer, qu. sier Barbaro è in Caodistria, fin 3 zorni sarà qui.

A dì 19. La matina, fo pioza, et quasi tutto el zorno.

Fo *lettere di Constantinopoli, dil Zen orator et vicebailo, di 15 Zener*. Il sumario scriverò qui avanti.

Et dil *Zante, di 5 de questo*

Da poi disnar fo Collegio de la Becaria, et preseno de donar la mità dil datio, et feno un certo mercato con uno, qual poi se scopri et fo sier Zuan Donado qu. sier Nicolò *da la Zueca*, piezi Davit de Polo et Piero Grisanti mercadanti de la Zueca. Il dito se obliga vender la carne tuta in la becaria di S. Marco et de Rialto per tuto zugno, di manzo soldi 3 la lira, vedello soldi 4, et passato zugno, venderla, manzo soldi 2, vedello soldi 3, aguelo et castrato soldi 3, et sia tre banche de carne di vedelo, et le banche 10 de quelli de la Vedoia volendo essere in compagnia et exborsar la so parte. Et voleno acetar Francesco da Oio a taiar carne di vedelo *dummodo* non habbi a dar a li taiadori più de un pizolo per lira, se non che possino tuor altri taiadori, sotto pena ogni zorno non sarà carne in beccaria ducati

25, et il sabado ducati 100; et non se possi far altre in Venetia beccarie soto pena etc. Et ogni volta chi compra fosse inganato de peso li mercadanti siano condanati. Et cussi per sier Vicenzo Zorzi et sier Almorò Morexini proveditori de Comun fo messo de acetar questo acordo. Ave: 22, 1, 1.

Da Bologna, fo lettere di oratori, di 17, et dil Bazadona orator, et una drizata a li Cai di X. In risposta de le soe scritoli per il Conseio di X zerea confermar la priora dil *Corpus Domini*. Et risponde l'orator Venier haver parlato con quel vicario de frati predicatori, el qual

Noto. Eri sera a caja di sier Alvixe Beneto qu. sier Domenego a Santa Sofia, fradelo dil prototario Beneto è a Bologna, fu fato un bellissimo bancheto a li reverendissimi cardinali Grimani et Redolfi et altri prelati et il patriarca de Aquileia et il vescovo olim de Ceneda da chà Grimani, et fu done, mancare et bellissima cena.

A dì 20, *Zuoba de la caza*. La matina, hessendo zonto questa note a hore 10 sier Tomà Contarini, stato locotenente in la Patria del Friul, in loco dil qual luni introe sier Nicolò Mozenigo, vestito de veludo cremexin, et è electo orator a Constantinopoli, et referite de quele cose di la Patria, iusta el consueto. Fo laudato dal Serenissimo.

Da poi disnar, secondo el solito, fu fato la caza in piazza de S. Marco. Il Serenissimo butò el mantello, vestido de veluto . . . ; vene con li oratori Imperador, Franza, Anglia et Ferara, Milan è amato. Et la festa fu fata per Pelegrin fo seudier dil doxe Barbarigo, et dete voce di far bella festa per il che per il Conseio di X li fo dato ducati 50, *tamen* vene in piazza senza alcun son, nè fuogi, che fo cosa molto insolita, et a la scrittura che l' dete non reussite, ma fu grandissimo popolo de persone 20 milia, et *tamen* non seguite alcuna occision da li tori che correvano per piazza. Et oltra el toro che li fo taià la testa, per mezo el Serenissimo, fo *etiam* taià ad alcuni altri su la piazza de quà davanti la Procuratia dove habita sier Andrea Justinian procurator, qual è proveditor sora la becaria.

Et io volendo andar con la Signoria, non puti andar, convini disnar con sier Marco da Molin procurator et questi altri: sier Lorenzo Justinian el procurator, sier Francesco Mozenigo procurator, sier Hironimo Zen procurator, sier Francesco di Prioli procurator, sier Vetor Grimani procurator, sier Antonio Mozenigo procurator, sier Andrea Arimondo qu. sier Simon, io Marin Sanudo et sier